



聖道辨物

下編

經
四二
二
2

口 13
900
2 止



東坡先生詩集卷之二
蘇詩百首卷之二
蘇詩百首卷之二



門七 12
號 900
卷 2

聖道辨物下編

○聖 日本 信濃 冢田虎 學

書稱堯德曰乃聖乃神乃武乃文大禹所謂聖也者

思無所不通之謂也洪範曰思曰睿睿作聖又書曰

惟聖罔念作狂惟狂克念作聖多方此思念之德為

聖故若無所思念則亦作狂也又曰后從諫則聖說命

又曰僕臣諛厥后自聖周命詩曰母氏聖善邶風具

曰予聖小雅皇父孔聖同十月維此聖人瞻言百里

聖道辨物 一 眾者室

川谷圖書

大雅此皆以思慮通為聖也。又臧武仲世稱聖人。亦
 以其多智慮也。左氏襄公二十二年傳及家語顏回又孔子曰。司馬之
 官以成聖。家語及太戴禮是則征伐無道者而通其所以不
 通。謂之成聖也。記曰。作者之謂聖。述者之謂明。明聖
 者。述作之謂也。樂記此有聖德者。乃有所能作為焉。
 以經綸天下。故如七聖。謂之作者也。孔子所謂作者
 七人矣。是也。而說論語者。或失之矣。又曰。聖人吾不
 得而見之矣。又曰。若聖與仁。則吾豈敢如是之言。皆
 謂作者之聖也。而孟子曰。大而化之之謂聖。於經言

未之見也。又如以伯夷伊尹桀下惠。謂皆古之聖人
 也。則亦孔門之所未嘗言也。但湯誥所謂聿求元聖
 傳以為謂伊尹也已。

○神

神也者。其德化不測之謂也。易曰。陰陽不測之謂神。
 其於聖德。亦其不測之謂神也。可知矣。又曰。顯道神
 德行。又曰。唯神也。故不疾而速。不行而至。又曰。利用
 出入。民咸用之。謂之神。並繫易中言神者。猶多矣。蓋
 易之為道。固聖人奉天之神道。以立教也。論語曰。蕩

蕩乎民無能名焉。是亦神之謂也已。諡法民無能名曰神。可以見矣。

○武

武也者。威德以定禍亂之謂也。諡法威彊敵德曰武。克定禍亂曰武。左傳曰兼弱攻昧。武之善經也。又曰夫文止戈為武。武王克商作頌曰載戢干戈。載櫜弓矢。夫武禁暴戢兵。保大定功。安民和衆。豐財者也。宣公十二年書曰布昭聖武伊訓蓋唐虞以下統理天下必文武兼備者王者之德也孔子曰有文事者必有武

備。有武事者必有文備。餘辯之於合語武備篇。

○文

文也者。分義理而修飾之謂也。所謂義理者。謂天地人事十倫十義之義理也。其修飾其義理者。則先王之教莫先於禮樂也。記曰先王之立禮也。有本有文。忠信禮之本也。義理禮之文也。禮器可以見焉。堯典曰欽明文思。舜典曰濬哲文明。大禹謨曰文命敷于四海。又曰誕敷文德。舞干羽于兩階。二帝而下。安天下者皆以文名其德矣。夫先王之教。修其義理者。詩

書禮樂皆謂之文也。所謂博學於文而約之以禮。又文王既沒。文不在茲乎。如此之言。皆謂其教爲文也。謂之文也者。文飾之謂也。凡物雖有美質也。而不文飾之。則不成其用。其於人亦然。雖有忠信仁智之質也。而非文飾之。則其道不行也。六言六蔽。可以見焉。學者學文之謂也。記曰。盡飾之道。斯其行者遠矣。檀弓孔子曰。君子不可以不學。其容不可以不飾。不飾無類。家語所謂飾者。卽文也。又曰。質勝文則野。文勝質則史。文質彬彬。而後君子。子貢曰。文猶質也。質猶文。

也。虎豹之鞞。猶犬羊之鞞。論語凡經傳中言文者。不可勝徵焉。然皆不過乎率從詩書禮樂而修飾其義理也。後儒或以爲文者。道之別名也。則非知道者也。孔子曰。文莫吾猶人也。躬行君子。則吾未之有得。文豈謂道之別名。而斯可也乎哉。

○聰

二典以來。稱人君之德。必以聰明。蓋不聰明。則不能治羣下也。書曰。惟天生聰明時乂。仲虺又曰。惟天聰明。惟聖時憲。說命又曰。亶聰明作元后。泰誓然則爲

人君者必不可以不聰明也。所謂聰也者，聽之審也。洪範曰：聽曰聰。論語曰：聽思聰。所謂聽之審也者，能辨諛言與德言而聽用其德言之謂也。書曰：聽德惟聰。大甲國語曰：聽德以為聰。楚語是也。又書曰：君罔用辯言亂舊政。大甲又曰：無作聰明亂舊章。詳乃視聽，罔以側言改厥度。蔡仲此戒其不聰也。詩曰：聽言則答，譖言則退。小雅又曰：聽言則對，誦言如醉。大雅柔所謂聽言者，謂阿諛之言也。又曰：不聰敬止。頌易曰：聰不明也。噬嗑皆謂不聽德言也。傳曰：女為君

耳。將司聰。充氏昭公九年其言亦可見也。

○明

明也者，視之明也。洪範曰：視曰明。論語曰：視思明。所謂視之明也者，不為近習所蔽塞而能視遠人之臧否也。書曰：視遠惟明。大甲國語曰：致遠以為明。楚語是也。管子曰：使能之謂明。管子五行亦可以見焉。書曰：惟我文考，若日月之照臨，光于四方，顯于西土。泰誓尤傳曰：昭臨四方曰明。昭公二年其視遠之明，其極如是矣。故浸潤之譖，膚受之愬，不行焉。此之謂明，亦謂遠

也已矣。凡經傳所謂明者，皆人君之德也矣。左傳曰：君明臣忠。襄公九年又曰：女為君目。將司明。昭公九年而說者多，失明之解矣。其詳具於合語明德篇。

○睿

睿也者，思之深也。洪範曰：思曰睿。堯典曰：欽明文思。所謂思者，即睿也已。字亦作叡。易曰：古之聰明叡智，神武而不殺者夫。繫辭記曰：聰明睿知，亦曰聰明聖知。中庸睿作聖。故曰：睿知曰聖知，遂一也已。

○寬

寬也者，能容而不棄之謂也。是君長得衆之德也。書曰：敬敷五教在寬。舜典御衆以寬。大禹謨克寬克仁。仲虺之代。虐以寬。伊訓撫民以寬。微子命易曰：寬以居之，仁以行之，君之德也。文言論語曰：居上不寬，又曰：寬則得衆。家語曰：明君寬裕以容其民。左傳曰：唯有德者能以寬服民。昭公二年國語曰：寬所以保本也。周語又曰：寬民以子之。吳語凡經傳言寬者，不亦少也。皆以為君長容衆之德也。而寬之弊，或將憤焉。無分辨。故書曰：寬而栗。舜典又曰：寬而有制。周官孔子曰：寬

寬而

而辨表記。又曰愛之無寬於刑法。家語及太戴禮是亦所以誠也。子產之語大叔宜以鑒矣。

○裕

裕也者優游不迫之謂也。此則弘與人交接之德也。書曰垂裕後昆。仲虺之誥裕乃以民寧。康誥惇大成裕爾永有辭。洛誥彼裕我民無遠用戾。同乃猷裕。我不以後人迷。君奭詩曰此令兄弟綽綽有裕。小雅易曰有孚裕无咎。晉卦國語曰布施優裕。周語又曰君之德宇何不寬裕。晉語寬裕者謂容而不迫也。上引寬裕

以容其民亦可以驗焉。寬與裕不全同也。

○泰

泰也者安舒而胖大之謂也。論語曰君子泰而不驕。小人驕而不泰。又曰君子無眾寡無小大無敢慢斯不亦泰而不驕乎。又曰約而為泰所謂泰者皆舒大之謂也。已易泰卦序卦以為安為通。又詩書二經用泰字者唯泰誓泰山之名是皆詰為大也。又驕泰奢泰連言則亦為爽德也。論語曰今拜乎上泰也是則驕傲之謂也。記曰忠信以得之驕泰以失之。大學他

可以准知焉。

○仁

仁也者。成功不違義之謂也。國語曰。畜義豐功謂之

仁。周語此單襄公之言。實可謂古訓矣。又柳下惠曰。

仁者講功而知者處物無功而祀之非仁也。魯語 左

傳曰。度功而行仁也。昭公二年應見仁者成功之名也。

又國語曰。殺身以成志仁也。晉語 又曰。殺無道而立

有道仁也。管子子曰。以德予人者謂之仁。戒 孔子

曰。志士仁人無求生以害仁。有殺身以成仁。又曰。仁

者先難而後獲。可謂仁矣。古聖賢之典言。可參以知

焉。記曰。上下相親謂之仁。經解 此雖有才德者也。上

下不相親愛。則不能成其功焉。其能相親愛也。則自

有成功。不違義者也。凡由義以成功。仁也。放利以行

私。不仁也。故趙文子謂舅犯曰。見利不顧其君。其仁

不足稱也。晉語 凡見利遺義者。則皆謂之為不仁。

如臧文仲不仁者三。左氏襄公二十三年傳及家語 不可勝徵也。記

曰。仁者義之本也。禮運 而為仁之方。則非一也。雖則

非一也。不出於愛敬忠恕焉。孔子之答諸子者。在論

聖之辨物
語而可觀也。左傳曰：出門如賓，承事如祭，仁之則也。
十三年管子曰：非其所欲，勿施於人，仁也。管子小問此等
之言，足以相照於孔子之語矣。且聖人之論仁，皆雖
名乎其功也。然亦唯有其功而不有其德，則未稱其
人以為仁者也。故曰：仁有三，與仁同功而異情，與仁
同功其仁未可知也。與仁同過，然後其仁可知也。仁
者安仁，知者利仁，畏罪者強仁。表記故至乎如管仲
論其成功，則以為如其仁，然及乎論其人，則以為奢
而不知禮，夫仁之為道也。王侯大夫士至于庶民，各

隨其分皆宜，行之道而配之五倫十義，則專以為人
君之道也。其所專以為人君之道者，蓋不驕侈於富
貴，而為天下國家立泰平之基，以使人民安存焉。則
是人君之職，而其畜義豐功之極德，莫大焉。故書曰：
克寬克仁，彰信兆民。仲虺之誥又曰：民罔常懷，懷于有仁。
大甲易曰：君子體仁足以長人。又曰：寬以居之，仁以
行之，君之德也。文言又曰：何以守位？曰：仁。繫辭國語
曰：仁所以保民也。周語記曰：仁者，天下之表也。表記
又曰：君仁臣忠。禮運又曰：為人君止於仁。大學其以

聖道辨物

聖者

人
R
3

Love

聖道新傳
仁專為人君之道者。猶不可數也。又孟子曰。為天下
得人者。謂之仁。蓋人君之事。如堯之任舜。舜之任禹。
臯陶。得其人而任之。則衆庶皆得其所。而治功自成
焉。然則此孟子之言。亦可謂古訓矣。後世說者。喋喋
解仁。然皆未之盡焉。其詳具於合語一貫。克己三仁。
管仲數篇。

○智

智也者。知理以處事物之謂也。古者謂智。亦為哲。書
曰。知之曰明哲。說命。知之者。謂知事物之理也。又曰。

wisdom

濬哲文明。舜典。又曰。經德秉哲。酒誥。詩曰。既明且哲。

大雅。所謂哲者。皆智之謂也。柝下惠曰。知者處物不
知而不問。非知也。魯語。易曰。知周乎萬物。道濟天下。

繫辭。孔子曰。知者不惑。凡知物理者。處事而不迷惑。
故昏乎物理者。皆謂之不知。如臧文仲不知者三。左

及家語。可以准知焉。且人道之理。仁則得安榮。不仁
則招危辱。是其理也矣。而不為仁而為不仁。則是昏

乎理也。故曰。擇不處仁焉。得知。又左傳曰。知不害民。
成公十年。又曰。擇任而往。知也。昭公二年。皆知其理之謂

道

也。又天道福善禍淫，故能務人義之當然，則不祈而福祥將降焉者，是其理也。而凡人之昏乎理者，不務可務之義，而妄祈幸福於鬼神，則是不智之至也。故曰：務民之義，敬鬼神而遠之，可謂知矣。而君子者之知理，莫大乎知人焉。若夫為王侯者，知人而用之，則天下之人物，舉自得其理也。故書曰：知人則哲，克官人。韋陶孔子曰：知者，知人。又曰：智者，莫大乎知賢。復喻其知人之意曰：舉直置諸枉，能使枉者直。是為王侯者，有知人之智，則天下之人物，舉自得其理也。可

知焉也已。

○勇

勇也者，臨義而不懼，死之謂也。孔子曰：勇者不懼。國語曰：以義死用，謂之勇。周語又曰：帥義能勇。同左傳曰：知死不避，勇也。昭公二年晏子曰：輕死以行禮，謂之勇。誅暴不避，彊謂之力。故勇力之立也，以行其禮義也。晏子記曰：有義之謂勇敢，故所貴於勇敢者，貴其能以立義也。聘義皆同意也。已若夫無禮無義而不避死者，小人則以為勇焉，君子則不以為勇也。左傳

曰死而不義非勇也。共用之謂勇。文公二年又曰勇不作

亂。成公十年又曰率義之謂勇。期死非勇也。哀公十年論

語曰君子有勇而無義為亂。小人有勇而無義為盜。

又曰勇而無禮則亂。又曰好勇不好學其蔽也亂。如

是之語猶多矣。記曰勇敢強有力而不用之禮義戰

勝而用之於爭鬪則謂之亂人。可合以觀焉。書曰錫

王勇智。仲虺之誥詩曰敷奏其勇。商頌長發王者亦以勇為德

然則士君子不可以無勇也。孔子曰仁者必有勇。又

曰知恥近乎勇。又曰見義不為無勇也。由此觀之無

勇

勇者蓋是不恥乎其不德不義者也。荀子曰有狗彘
之勇者有賈盜之勇者。有小人之勇者。有士君子之
勇者。其辯亦可見也。

○義

義也者。行事制其宜之謂也。書曰以義制事。仲虺之誥是

義之所原也。記曰義者宜此者也。祭義又曰義者宜

也。中庸又又曰紀之以義。文王世子又曰義者天下之制

也。表記國語曰義所以節也。周語管子曰義者謂名

處其宜也。管子心術是義之為事之宜。可以見焉。然人人

曰死而不義非勇也。共用之謂勇。文公二年又曰勇不作

亂。成公十年又曰率義之謂勇。期死非勇也。哀公十年論

語曰君子有勇而無義為亂。小人有勇而無義為盜。

又曰勇而無禮則亂。又曰好勇不好學其蔽也亂。如

是之語猶多矣。記曰勇敢強有力而不用之禮義戰

勝而用之於爭鬪則謂之亂。人可合以觀焉。書曰錫

王勇智。仲虺之誥詩曰敷奏其勇。商頌長發王者亦以勇為德

然則士君子不可以無勇也。孔子曰仁者必有勇。又

曰知恥近乎勇。又曰見義不為無勇也。由此觀之無

勇

勇者蓋是不恥乎其不德不義者也。荀子曰有狗彘
之勇者有賈盜之勇者。有小人之勇者。有士君子之
勇者。其辯亦可見也。

○義

義也者。行事制其宜之謂也。書曰以義制事。仲虺之誥是

義之所原也。記曰義者宜此者也。祭義又曰義者宜

也。中庸又又曰紀之以義。文王世子又曰義者天下之制

也。表記國語曰義所以節也。周語管子曰義者謂名

處其宜也。管子心術是義之為事之宜可以見焉。然人人

益有事而自制以為宜也者則非所謂義也所謂義也者皆有先王之制而事事固有其宜也書曰無偏無陂遵王之義洪範又曰用其義刑義殺勿庸以次汝封康誥左傳曰詩書義之府也僖公十七年是所謂義也者皆有先王之制則所學可以知也易曰理財正辭禁民為非曰義繫辭左傳曰好不廢過惡不去善義之經也哀公五年夫先王之義槩如此也已矣蓋天下之事放利以制之則多失其義由義以制之則自得其利故先王之義者固所以利於天下而事事皆由

metaphor

其義以行焉則不求而利自生焉是故易曰利者義之和也文言左傳曰義以生利利以平民成公二年及晉語一又曰義以建利成公十六年又曰義利之本也昭公十年又曰夫義者利之足也廢義則利不立晉語二凡傳記中謂利之生於義者猶太多矣記曰除去天地之害謂之義經解此亦害除則利生也可知矣而生於義之利則誠為利矣生於利之利則未為利也故論語曰見利思義又曰見得思義左傳曰居利思義昭公十七年是亦所以誠也蓋義之為道達於上下而為諸德之質

故論語曰君子義以為質禮以行之孫以出之信以成之君子哉記曰夫義者所以濟志也諸德之發也祭統又曰致義則上下不悖逆矣祭義又曰君子之所謂義者貴賤皆有事於天下表記此其達於上下者可以見矣然而分之五教則專以為父育子之教配之五倫則獨以為君臣相接之道又以為夫待婦之義故左傳曰父義母慈文公十年又曰君義臣行公隱三年記曰夫義婦聽禮運又且謂君臣之義者傳記之通言也而至乎孟軻氏獨以長長論義者於經傳未

之見也且如其仁義內外之論則告子之所以謂仁內義外者是古訓也已仁者由人之性情而發義者由聖人之制而起其辨既上具焉管子曰仁從中出義從外作管子易曰敬以直內義以方外文言古訓如是矣更審之孟子斷義字亦作誼

○公

公也者無偏黨之謂也書曰無偏無黨王道蕩蕩無黨無偏王道平平洪範如此所謂公也已凡公之言與私相反私則有偏黨也書曰以公滅私民其允懷

25

立政。左傳曰。以私害公。非忠也。文公記曰。大道之行。

天下為公。禮運孔子曰。公則說。又曰。君子南面臨官。

大域之中而公治之。家語及太戴禮管子曰。聖君任公而不

任私。任法又曰。喜賞惡罰之人。離公道而行私術矣。

明法皆所謂公者。無偏黨之謂也。又記曰。不可以叔

父之私。不將公事。檀弓左傳書此事曰。公事有公利。

無私忌。昭公三年如此則以君之事為公。以己之事為私。

蓋亦以君事可無偏黨。乃謂之公也。已韓非曰。自營

為公。背公為公。五蠹八相背也。公私也。八公為公也。

今韓非之本。或公作私。不是也。此韓非之言。雖非可

以徵焉。然其說公字。足以相參矣。孔子曰。君子之於

天下也。無適也。無莫也。義之與比。是亦所謂公也。與

荀子曰。不下比。以闇上。不上同。以疾下。分爭於下。不

以私害之。若是則可謂公士矣。

○方

方也者。義之貌也。義之貌方正。故謂義亦為方。易曰。

直方大。不習。无不利。坤卦文言曰。方其義也。君子敬

以直內。義以方外。左傳曰。愛子教之以義方。隱公三年國

語曰。上得民心。以殖義方。周語可見方。即義之謂也。
 允傳。又曰。授方任能。閔公二年記曰。有方之士。荀子又
 曰。邦國有倫。而衆鄉方。文王世子又曰。樂行而民鄉方。樂記
 論語曰。可使有勇。且知方也。如此之言。皆謂義方也。
 又有為法術之意者。易曰。君子以立不易方。恒卦傳曰。
 官修其方。昭公二年論語曰。能近取譬。可謂仁之方也。
 已。如此則法術之意也。而說者多偏訓。以為道者。不
 是也。他又有多訓。葢文而可知也。已。

○中本以中為性。書曰。惟皇上帝。降衷于下民。湯誥允

中也者。行事無過不及之謂也。蓋生民之所以受于
 天。本以中為性。書曰。惟皇上帝。降衷于下民。湯誥允
 傳曰。民受天地之中。以生。成公十三年是也。其既以中為
 性也。則其行事。亦可以無過不及也。然又因其氣質
 之差。而賢智則過之。愚不肖則不及。如中庸之記焉。
 書曰。汝允執厥中。大禹謨又曰。刑期于無刑。民協于中。
 同。又曰。懋昭大德。建中于民。仲虺之誥從是以下。書言中
 者。亦太多矣。周禮大司徒十二教。七曰。以刑教中。則
 民不蹏。又大司樂。以樂德教國子。中和祗庸孝友。孔

子曰。不得中行而與之。必也狂狷乎。他詳之於合語。中庸篇。

○和

和也者。可否相濟。而親睦之謂也。孔子曰。君子和而不同。小人同而不和。和猶和羹。水火鹽梅相和也。同猶以水濟水也。晏子之辯。可以見焉。左氏昭公二十二年傳。又晏子問。書曰。若作和羹。爾惟鹽梅。爾交修予。罔予弃。說命。是即和之謂也。已。國語曰。和實生物。同則不繼。以它平它謂之和。鄭語。詩曰。不競不絀。不剛不柔。布政優優。

百祿是適。商頌。孔子謂此詩曰。和之至也。左氏昭公二十二年。又

家語記曰。發號出令。而民皆說。謂之和。經解。又曰。喜怒

哀樂之未發。謂之中。發而皆中節。謂之和。中庸書曰。

同寅協恭。和衷哉。凡經傳言和者。可以准知焉。

蓋陰陽和而萬物生焉。則和是天地之德。其美應知

矣。是以先王制禮。以和天下。故論語曰。禮之用。和為

貴。此言禮之功用。以和人倫為貴也。而說論語者。多

失先王制禮之意。為和天下之故矣。記曰。和寧禮之

用也。燕義。亦言和安天下。則禮之功用也。其說於余

論語註具之

庸

庸者常也。常也者，言行終始一而不易之謂也。經言曰：庸曰恒，曰彝，曰典，曰常，義皆同矣。書曰：天敘有典，勅我五典，五惇哉。又曰：念終始，典于學。又曰：終自作不典。又曰：厥德匪常，九有以亡。夏王我五禮有庸哉。又曰：厥德匪常，九有以亡。夏王弗克庸德。又曰：庸言之信，庸行之謹。又曰：動靜有常。又書曰：皇極之敷言，是彝是訓。

又曰無從匪彝

湯註

書用彝字者猶多矣。詩曰：民之

秉彝

大雅

易曰：不恒其德，或承之羞。

恒卦

論語曰：人

而無恒，不可以作巫醫。又曰：得見有恒者，斯可矣。皆是與常同終始一而不易之謂也。大司樂六德亦以庸為一德。凡人之言行難終始一也。是以伊尹作咸，有一德以戒大甲。其書可以見庸之意矣。又中庸之庸，別辨於合語，五常中庸二篇。

元

元也者，其善可以為君長之謂也。書曰：惇德允元。

又曰。衆非元后何戴。大禹謨又曰。一人元良萬邦以貞。
大甲。又曰。剝喪元良。秦誓又曰。王位在德元。召誥所
謂元者。本皆始首之意。而猶人身之首也。人身之首。
謂之元。故書謂君爲元首。謂臣爲股肱。益稷易曰。元
者善之長也。文言凡爲君長者。將必以善作人民之
首。故知元也者。以善作君長之稱也。文言所謂君子
體仁足以長人是也。晉悼公曰。二三子爲令之不從。
故求元君而訪焉。孤之不元廢也。其誰怨。晉語亦可
以徵焉。舜之八元亦謂善之長也。尤氏文公十八年傳

○良

良也者。才能之美可用之謂也。書曰。顯忠遂良。仲虺
忠者。謂其德也。良者。謂其才能也。又如元良之言。亦
才德並稱也。又書曰。簡厥修。亦簡其或不修。進厥良。
以率其或不良。君陳是修者。謂其德行之修也。良者。
謂其才能之良也。又曰。惟予小子無良。秦誓又曰。惟
予一人無良。罔命又曰。番番良士。旅力既愆。我尚有
之。秦誓詩曰。人之無良。我以爲兄。鄘風又曰。殲我良
人。秦風又曰。不用其良。小雅詩書二經言良者猶

不寡矣。多稱其才能也。但德音無良。却風之子無良。二三其德。白華如此之言。則謂其恩意之善。以為良也。已。他如良相良御良媒良工良醫良馬。皆是稱其才能者。隨文而可觀也。

○賢

賢也者。才德勝衆之謂也。書曰。佑賢輔德。大甲。又曰。崇德象賢。微子。又曰。任官惟賢才。咸。如是之言。則以才之勝為賢也。又書曰。官不及私昵。惟其能。爵罔及惡德。惟其賢。說命。又曰。建官惟賢。位事惟能。武成

又曰。推賢讓能。庶官乃和。周官。如是之言。則以德之勝為賢也。又曰。野無遺賢。萬邦咸寧。大禹。又曰。簡賢附勢。寔繁有徒。仲虺。如是之言。則有才有德。總以為賢也。易曰。可久則賢人之德。可大則賢人之業。繫辭。論語曰。賢哉回也。又曰。見賢思齊焉。見不賢而內自省也。如此之語。皆都稱才德之勝也。

○能

能也者。才耐任事之謂也。書曰。汝惟不矜。天下莫與汝爭能。大禹。又曰。矜其能。喪其功。說命。又曰。人之有

能有為使羞其行而邦其昌。洪範又曰位事惟能。成武
又曰推賢讓能。周官允傳曰授方任能。閔公皆所謂
能者耐其任之稱也。曾子曰以能問於不能。論語孔
子曰毋以其所不能疑人毋以其所能驕人。家語允
傳曰能者養之以福不能者敗以取禍。成公十凡所
謂能不能者皆以耐其事與不耐言之也。他言能者
可以准知焉。

○俊又彥傑

俊也者智行秀之謂也。記曰司徒論選士之秀者而

俊傑

升之學曰俊士。王制可以見焉。書曰俊民用章。洪範
又曰籲俊尊上帝立政。又曰俊乂在官。皋陶又曰旁
招俊乂列于庶位。大甲是乂亦智能之稱也已。又曰
旁求俊彥啓迪後人。大甲彥也者傳以為美士之稱
也。書又曰人之彥聖。秦誓詩曰邦之彥兮。鄭風記又
曰贊桀俊遂賢良。月令桀亦與俊同。詩曰伯兮勗兮。
邦之桀兮。衛風又曰有厭其桀。周頌應見桀亦秀出
之意也已。而淮南子曰智過萬人者謂之英十人者
謂之俊百人者謂之豪十人者謂之傑。秦族或曰過

千人曰俊過百人曰义。說文此等之差等。雖漢時當有所傳焉。然其稱謂之別。今於經傳莫所見焉。且英雄豪傑等之稱。至乎孟荀以下。雖則數言之於六經傳記。見亦希也。則未得可以徵者。左傳曰。齊莊公朝指殖綽。郭最曰。是寡人之雄也。州綽曰。君以為雄。誰敢不雄。然臣不敏。平陰之役。先二子鳴。襄公二十一年按此傳文。唯以雌雄之雄。稱其勇之言。而非必英雄之謂也。故下文復有為勇爵之事也。其他英豪等之稱。則古訓未之知如何也。

○剛

剛也者。心志存果毅之謂也。剛與柔相反。與彊不同。書曰。剛而無虐。舜典又曰。剛而塞。皋陶謨又曰。不剛不柔。厥德允修。畢命又洪範三德。彊弗友。剛克。詩曰。柔則茹之。剛則吐之。維仲山甫。柔亦不茹。剛亦不吐。大雅左傳曰。涖之以強。斷之以剛。昭公六年又曰。使勇而無剛者。嘗寇而速去之。隱公九年此勇強與剛毅異者。可以見矣。孔子曰。剛毅木訥近仁。又曰。好剛不好學。其蔽也狂。是好剛之失。或易觸冒乎人。故以為其蔽狂。書

passion van
Resolution

亦誠以無虐。又曰：吾未見剛者。或對曰：申枨。子曰：枨也慾焉。得剛此言多情慾者。一旦雖有其志焉。然或為其嗜好所奪。則不可必得果其事也。故雖似果毅而多慾者。則不以為剛也。

○柔

柔也者。心氣和順之謂也。與剛相反。其徵如上引書曰：柔而立。臯陶是和柔者。或有荏弱而難成立之蔽。故以柔而能立事為德也。洪範三德：夔友柔克。詩曰：旨酒思柔。小雅桑扈是酒善使人心剛強。故誠之也。

又曰：敬爾威儀。無不柔嘉。大雅抑柔惠且直。同柔嘉

維則。同允傳曰：服而不柔。何以示懷。六年孔子曰：

慈愛以優柔之。而民自得矣。家語及記曰：柔遠人也。

中庸又曰：溫柔敦厚。詩教也。經解又又易中所謂剛

柔。則陰陽之德。而陰柔陽剛。理之常也。故婦人專以

柔為德也。左傳曰：夫和婦柔。昭公二年又洪範曰：沈潛

剛克。高明柔克。沈潛謂卑下也。高明謂尊上也。凡居

下位者。勢易柔弱。故以剛克己。而將去其阿順也。在

上位者。勢自剛強。故以柔克己。而將避其驕虐也。記

曰寬柔以教。中庸是君子之所以居行也。

○強

強也者。氣力不撓。屈之謂也。凡強之言。與弱相反。與

剛不同。字亦作彊。書曰。彊而義。臯陶國語曰。死而不

遷。情彊也。晉語又曰。柔而不屈。彊而不剛。越語但中

庸曰。雖愚必明。雖柔必強。此所謂強者。志氣至剛。強

之謂也。則與柔相對也已。又子路問強。子曰。南方之

強。與北方之強。與抑而強。與其辨。可以知焉。北方之

強。則或失義。故書以強而義為德也。君子唯欲居南

indomitable energetic will

方之強也矣。記曰。勇敢強有力。而不用之於禮義。戰
勝。而用之於爭鬪。則謂之亂人。聘義與前辨勇之章
亦同意也已。

○果

果也者。敢決斷事之謂也。論語曰。由也果。又曰。行必

果。又曰。果哉。末之難矣。左傳曰。戎昭果毅。以聽之。之

謂禮殺敵為果。致果為毅。宣公二年此戎事以殺敵為決

斷也。又國語曰。其身果而辭順。順無不行。果無不徹。

晉語又曰。厲也。果敢。同記曰。將為善。思貽父母令名。

必果內則又論語曰惡果敢而窒者是果雖亦為美德然或有遂己意而不聽用人言之失矣此所以宜誠也

○毅

毅也者致果斷之謂也書曰擾而毅臯陶擾順也與人順者或有流移而難致果之失故以擾而毅為德也左傳曰致果為毅其文如上引矣論語曰士不可以不弘毅任重而道遠此言非弘則不能負重任非毅則不能致遠道也又曰剛毅木訥近仁皆所謂

毅者致果斷之謂也已又國語曰彊忍犯義毅也楚語此則與經言意自異也

○簡

簡也者行事約而不煩碎之謂也書曰臨下以簡大禹又曰簡而無傲舜典又曰簡而廉臯陶蓋為君長者事易至乎煩碎故以簡為臨下之德矣臯陶為舜歌曰元首叢脞哉股肱惰哉萬事墮哉益稷叢脞煩碎也是亦欲其簡者也然簡之失或有缺禮敬故誠以無傲又且以其廉為德仲弓曰居敬而行簡以臨

其民不亦可乎。居簡而行簡，無乃大簡乎？子曰：雍之言然。此所謂大簡，則無廉隅者也。易曰：乾以易知，坤以簡能，易則易知，簡則易行。繫辭簡之為美德，亦應知矣。又：狂簡之簡，謂志之大也。詩之簡兮，亦同與今義異也。

○廉

廉也者，其守潔而公正之謂也。書曰：簡而廉，其義如上。管子以禮義廉恥為四維，曰：廉不蔽惡，牧民言心中無慝也。晏子曰：廉之謂公正。雜下子貢曰：仁人廉

士窮改節乎？孔子曰：改節，即何稱於仁廉哉？又曰：臨財莫若廉。又曰：上廉讓，則下知節。又曰：厲之以廉恥之節。並家語記曰：廉以立志。樂記又曰：底厲廉隅。儒行解周禮：小宰之職，聽官府之六計，弊羣吏之治。一曰廉善。二曰廉能。三曰廉敬。四曰廉正。五曰廉法。六曰廉辨。所謂廉之義，皆同焉。周書曰：其壯者，觀其潔廉，務行而勝其私。官人諸徵可以參驗也。

○清

清也者，身行無穢濁之謂也。書曰：直哉惟清。舜典是

舜使伯夷為禮官之命辭。禮所以坊人之穢行。故命以惟清也。詩曰：維清緝熙，文王之典。頌公維清記曰：清明在躬，氣志如神。經解又又陳文子棄其富而避惡。孔子曰：清矣。又謂虞仲夷逸曰：身中清，廢中權，皆身行無穢濁之謂也。

○正

正也者，志行無邪之謂也。凡正之言，與邪相反。詩曰：思無邪。魯頌駟無邪者，謂正也。記曰：欲修其身者，先正其心。大學正其心者，謂無邪也。又姦聲與正聲相對。

樂記且詩之所以導人情，亦唯去邪而歸正也。詩三百，一言以蔽之之語，可以驗焉。書曰：正德利用，厚生惟和。大禹謨又曰：僕臣正，厥后克正。罔命又曰：爾身克正，罔敢弗正。君牙孔子曰：武王正其身，以正其國，正其國以正天下。家語易曰：各正性命。文言公羊傳曰：君子大居正。隱公三年皆謂無邪也。左傳曰：正直為正。襄公七年是亦正己心之直，而使無邪之謂也。又曰：君子謂鄭莊公於是乎可謂正矣。以王命討不庭，不貪其土，以勞王爵，正之體也。隱公十年又曰：下而無直，則何謂正。

矣。襄公十年又正直之言則與下直合而辨之。

○直

直也者不曲志情之謂也。凡直之言與曲相反。葉公語孔子曰：吾黨有直躬者，其父攘羊而子證之。孔子曰：吾黨之直者異於是。父為子隱，子為父隱，直在其中矣。是父子相愛者，則人情之直也。子而證父之惡，斯誣罔此直而人情之曲者也。然則其相隱之中，自有入情之直者在焉。書曰：直哉惟清。舜典又曰：直而溫。陶謨又曰：逆忠直。伊訓詩曰：洵直且侯。鄭風又

曰：樂國樂國，爰得我直。魏風碩鼠又曰：其直如矢。小雅大東皆

謂不曲志情也。又詩曰：正直是與。小雅洪範三德：平

康，正直所謂正直無邪曲也。左傳曰：正直為正，正曲

為直。襄公七年杜註：正己心，正人曲，是恐不通也。正直二

言，何為別？自他皆以己之志情言焉耳。孔子曰：人之

生也，直罔之生也，幸而免。又曰：直哉史魚，邦有道如

矢，邦無道如矢。又謂蘧伯玉曰：直己而不直人。家語

皆是不曲其志情之謂也。又晉叔向及數弟叔魚之

罪，孔子謂之曰：叔向古之遺直也，治國制刑不隱於

親三數叔魚之罪不為末減曰義也夫可謂直矣氏

昭公十四年此直者之所以可深念也且直者多鮮

溫和之色故書以直而溫為德又直之失或有發人

之隱私者故曰惡訐以為直者又曰好直不好學其

蔽也絞是亦所以誠也荀子曰是謂是非謂非曰直

又曰身之所長上雖不知不以悖君身之所短上雖

不知不以取賞長短不飾以情自竭若是則可謂直

士矣亦足以參矣

曰樂○愿

愿也者言行謹善之謂也書曰愿而恭臯陶周禮大

司寇之職以五刑糾萬民五曰國刑上愿糾暴鄭註

暴當作恭此見於上四刑作暴者字之誤也已愿者

或有貌不恭之弊故書亦以愿而恭為德論語曰侗

而不愿侗者無智之稱也所取於無智者以其謹善

也若無智而不謹善則是莫所取焉者也左傳曰子

皮欲使尹何治邑子產謂之曰少未知可否子皮曰

愿吾愛之襄公三年字亦作原孔子曰鄉原德之賊也

此謂鄉人之謹善者也孟子解之曰同乎流俗合乎

汗世居之似忠信行之似廉潔衆皆悅之自以為是而不可與入堯舜之道故曰德之賊也

○慤

慤也者質而無詐偽之謂也孔子曰男慤而女貞

又太禮記曰致其慤而慤又曰慤善不違身祭義又曰

七介以相見也不然則已慤禮器又孔子曰殷已慤

我從周檀弓所謂慤者皆是質樸之謂也傳記多愿

慤誠慤連言荀子曰庸言必信之庸行必慎之畏法

流俗而不敢以其所獨甚若是則可謂慤士矣是則

愿慤之意也已

○矜

矜也者莊以持己之謂也孔子曰君子矜而不爭又

曰古之矜也廉今之矜也忿戾論語又曰黼紱袞冕

者容不褻慢非性矜莊服使然也家語此矜之義章

矣又曰君子不矜而莊表記此言不務矜而自莊也

矜字經傳所用又更有多訓然矜莊之義他經未得

可徵者焉詩曰矜矜兢兢小雅無羊此蓋謹慎之貌也已

與音居陵反

○狂

狂也者。志願高之謂也。孔子曰。不得中行而與之。必也狂狷乎。狂者進取。狷者有所不為也。進取言進取於古也。又曰。我黨之小子。狂簡斐然成章。所謂狂簡。謂其志高且大也。又曰。狂而不直。此所取於狂者。以不曲其志也。徒狂而不直者。則無所取之謂也。又曰。古之狂也肆。今之狂也蕩。孟子解狂者曰。其志嚶嚶然。曰。古之人古之人。夷考其行而不掩焉者。也是可。以驗焉。又詩曰。衆穉且狂。載鄰風所謂狂亦謂進取一

槩之士也。此與狂惑之狂。義自別也。

○狷

狷也者。守有餘而才不足之謂也。孔子曰。狷者有所不為也。其語如上所引也。又謂陳泄治曰。死而無益。可謂狷矣。國語曰。小心狷介。不敢行也。晉語又曰。亡人無狷潔。同又曰。其心狷而不潔。楚語皆所謂狷者。守有餘之謂也。孟子曰。狂者又不可得。欲得不屑不潔之士。與之。是獯也。獯狷同。

聖道辨物下編終

寬政八年丙辰上木

雄風館藏版

東都書肆

須原屋新兵衛

伊勢屋治兵衛

角丸屋甚助

彫工

宮田六左衛門

雄風館著書目錄

冢田氏塾

冢註孝經	一冊	冢註六記	六冊
冢註論語	五冊	冢註家語	五冊
冢註孔叢子	五冊	尚書補註	七冊
冢註周易	五冊	冢註毛詩	十冊
冢註老子	二冊	左氏傳增註	十五冊
國語增註	合八冊	戰國策略註	合八冊
論語羣疑考	十冊	孟子斷	二冊
荀子斷	四冊	聖道得門	一冊
聖道辨物	二冊	聖道合語	二冊

大山先生遺書 目錄 松屋會藏

解愠 一冊 發字便覽 一冊

文集 十冊 詩集 八冊

孝經和字訓 一冊 隨意錄 三冊

皇極和談 國字 一冊 入官第一義 國字 一冊

滑川談 國字 一冊 學語 國字 十一冊

管子牋註 二冊 李伯紀忠義編 七冊

昇平日新錄 六冊

櫻邑閑語 先人遺書 六冊 旭嶺先生遺稿 同 五冊

此以卷六中
新編

